



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 43. Barsena & Agnascus plura Barbarorum idiomata discunt.

urn:nbn:de:hbz:466:1-38528

deret. Plerique jam frequenter exhomologesi se purgabant, hebdomadatim in se flagro seviebant, Corpori Christi magno pietatis sensu communicabant: pendebant omnes ab ore Magistrorum, privatis publicisque colloquiis solita veteribus Christianis exercitia, pro capti gentis, insinuantium.

CAPUT
XXXIII.
Barrena &
Agnascus
plerumque Bar-
barorum
idiomata
discunt.

*Barrena lau-
datur.*

Et Agnascus.

CAPUT
XXXIII.
Frontonum
expeditio
disturbatur.

1592.
*Frontonum
peruersitas.*

*Mogosna-
rum crude-
litatis.*

Bellum.

SED is labor nullus erat, si conferretur cum eo, qui à Patribus sumebatur in descendis variarum linguarum à Frontonibus usitatatum idiotismis: nam, cùm præsettum Frontonum causà venissent, necesse erat linguas eorum prius nosse, quām possent utilitatem aliquam adferre. Itaque sesquennali spatio Alfonsus Barsena, sexaginta quinque annorum senex, insatiabili animarum Christo lucrandarum desiderio flagrans, communicatis cum Petro Agnasco studiis, Guaricam, Naticam, Quisoquinam, Abiponicam, Quiranguicam, linguas didicit, Vocabulariis, Rudimentis, Catechismis, & Concionibus, ad earum usum compositis: cùm tamen, antequam uterque è Tucumania discederent, Tonocotanam, Kakanam, Paquinam, Quirandicam ad præcepta & lexica eō fine reduxissent, ut Socii in partem laborum venturis facilitatem ad eas perdescendas adferrent. Atque ut latius utilitas serperet, Petrus Agnascus pleraque, omnia ab Alfonso Barsena præsertim composita, elegantissimo caractere plures transcripsit, transcriptaque publici juris fecit. Quæ res eò magis mira videri deberet, quod uterque fractissimis essent viribus, & nihil omnino ad aquæ corruptissimæ potum adderent, præter pulmentum ex tritico Indico & cucurbitis factum, raroque piscem fumo duratum adhiberent: adeò ut Petrus Agnascus, Alfonsi Barsena, optimi senis, septem milium Indorum, & concurrentium Hispanorum curâ, occupatissimi, justus æstimator, datis ad Joannem Atiensam Provinciam litteris, non dubitârit eum cum Francisco Xaverio cōparare: & vice versa, Barsena Petri Agnasci solidarum virtutum admirator, sè tyronem præ illo existimabat, & exercitatiissimus senex pleraque ex ejus arbitrio facere amabat. Quæ omnia de immenso utriusque labore paulò fusiūs à me explicata sunt, ne modicis laboribus & incommodis perfundâti, post devoratas unius diuinæ linguarum, aut in Europâ Græcæ, & Hæbraicæ, difficultates, placeamus & indul-geamus nobis, perinde quasi pro Christi amore omnium ore decantandum nego-rium patravissimus.

DEORATIS tot linguarum difficultatibus, tum demum ad Frontones adeudos uterque adjiciunt animos. Plerique amici ab hoc propôsito absterre conabantur viros utilissimos, denunciantes tantum esse Frontonum in Hispanos homines odium, ut vulgato nomine eos pestes suas appellarent: tantam insuper intercedere plerorumque cum Dæmonibus familiaritatem, ut passim sibilo vocati, ad sortilegia & maleficia facienda adproperent: ferebanturque Frontonibus indicasse Patrum consilia, & conatus mortem iis procurare, quos suis rebus infessissimos esse scirent. Sed Socii, si id accideret, pro Christo mori lucrum arbitran-tes, in Naticarum & Mogosnarum fines, spretis periculis, delati, primum impetum ad debellandas ferociissimas gentes Apostolico more effudere. Verum, Deum immortalem, quo successu? Vix in prima oppida facem Evangelicam intulerant, cùm Mogosna, non minus acres Hispani nominis hostes, quām naturâ & moribus immanes, Franciscum Veram ab Aragonia, Alfonsi Veræ Conceptionis urbis Præfecti germanum fratrem, & quinque Hispanos homines dolo captos, flagrisque ante discertos, immaniter trucidant, patratoque facinore ad terræ interiora se recipien-tes, reliquas omnes Frontonum factiones ad rebellandum sollicitant: Alfonso Verâ ab Aragonia, fraternæ necis infligante dolore, in vindictam interim non segnius bellum parante. Quod cùm, hinc paucorum Hispanorum virtute, inde Barbarorum multitudine per vices prævalente, diuturnum fuerit, egregii planè Apostolicorum virorum conatus, Evangelii seminandi occasione omni præcisâ, in aditu penitus disturbati sunt. Quare ad Mataranos regressi, Dei judicia taciti venerantes, nihil satius habuere, quam si se totos Divina voluntati conformarent: adeò nihil de inutilitate laboris in tot linguis perdescendis conquesti, ut etiam

Barsena